

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 12. sjednici, održanoj dana 24.03.2023. godine, d o n o s i

ODLUKA

o utvrđivanju upisne politike na Univerzitetu u Zenici, politike stipendiranja i politike smještaja studenata u studentske centre

Član 1.

(Principi upisne politike)

- (1) Utvrđuju se principi upisne politike na Univerzitetu u Zenici:
 - a) Usklađenost upisne politike sa potrebama tržišta rada i društva;
 - b) Koordinacija politika Univerziteta u Zenici sa politikama institucija rada i zapošljavanja;
 - c) Informiranost budućih studenata prilikom izbora fakulteta o stanju na tržištu rada i mogućnostima zapošljavanja nakon sticanja diplome;
 - d) Stimuliranje svršenih srednjoškolaca da se obrazuju za deficitarna zanimanja;
 - e) Povećanje broja studenata na fakultetima tehničkih nauka;
 - f) Povećanje omjera studenata drugog ciklusa studija u odnosu na prvi ciklus studija;
 - g) Stimuliranje pripadnika romske nacionalnosti, svršenih srednjoškolaca, da nastave školovanje;
 - h) Stimuliranje osoba s invaliditetom da se uključe u visokoškolsko obrazovanje;
 - i) Stimuliranje osoba bez roditeljskog staranja koje su štíćenici ustanova za smještaj djece bez roditeljskog staranja u Zeničko-dobojskom kantonu da nastave školovanje;
 - j) Stimuliranje osoba čiji su roditelji/staratelji korisnici socijalne pomoći;
 - k) Stvaranje prostornih uvjeta za povećanje broja upisanih studenata na Univerzitet u Zenici i povećanje kvaliteta nastave postojećeg broja upisanih studenata;
 - l) Stvaranje kadrovskih uvjeta za povećanje broja upisanih studenata na Univerzitet u Zenici;
 - m) Korištenje kapaciteta privrede Zeničko-dobojskog kantona za praktičnu nastavu na Univerzitetu u Zenici.

(2) Utvrđuju se elementi upisne politike na Univerzitetu u Zenici za akademsku 2023/2024. godinu:

- a) Povećan omjer, u ukupnom broju planiranih studenata za upis, redovnih samofinansirajućih i vanrednih studenata u odnosu na redovne studente koje finansira Osnivač, osim zanimanja tehničkih nauka;
- b) Pravo pripadnika romske nacionalnosti na bezuvjetan upis u statusu redovnog studenta – finansira Osnivač (izvan ukupne kvote utvrđene Planom upisa);
- c) Pravo osoba s invaliditetom, preko 70%, na upis u statusu redovnog studenta – finansira Osnivač (izvan ukupne kvote utvrđene Planom upisa);
- d) Prednost pri upisu pod jednakim uvjetima redovnih studenata u skladu sa članom 20. Zakona o dopunskim pravima branilaca i članova njihovih porodica Zeničko-dobojskog kantona („Službene novine Zeničko-dobojskog kantona“, broj: 1/14).
- e) Pravo osoba bez roditeljskog staranja, a koje su štíćenici ustanova za smještaj djece bez roditeljskog staranja u Zeničko-dobojskom kantonu na upis u statusu redovnog studenta – finansira Osnivač (izvan ukupne kvote utvrđene Planom upisa);
- f) Pravo osoba čiji su roditelji/staratelji korisnici socijalne pomoći a koji imaju prebivalište na području Zeničko-dobojskog kantona, na upis u statusu redovnog studenta – finansira Osnivač (izvan ukupne kvote utvrđene Planom upisa);

Član 2.

(Elementi politike stipendiranja)

Utvrđuju se elementi politike stipendiranja redovnih studenata prvog i drugog ciklusa studija s prebivalištem na području Zeničko-dobojskog kantona za akademsku 2023/2024. godinu:

- a) Dodjela stimulativnih bodova za utvrđena deficitarna zanimanja;
- b) Osnov za utvrđivanje deficitarnih zanimanja na području Zeničko-dobojskog kantona:
 - 1) najtraženija i deficitarna zanimanja na području Zeničko-dobojskog kantona prema podacima JU Služba za zapošljavanje Zeničko-dobojskog kantona,
 - 2) pregled broja nezaposlenih osoba na evidenciji JU Služba za zapošljavanje Zeničko-dobojskog kantona;
- c) Deficitarna zanimanja na području Zeničko-dobojskog kantona, utvrđena na osnovu kriterija iz alineje b) su: Doktor medicine, Edukator-rehabilitator, Magistar farmacije, IT inženjer, Inženjer informatike, Inženjer softverskog inženjerstva, Inženjer elektronike, Inženjer geodezije, Profesor fizike, Inženjer računarske elektronike, Inženjer medicinske elektronike.
- d) Dodjela novčane nagrade, u visini koju će utvrditi Vlada Zeničko-dobojskog kantona, studentima koji studiraju za deficitarna zanimanja (ne odnosi se na studente I godine I ciklusa studija), a ujedno imaju prosječnu ocjenu najmanje 8,50 ili ekvivalent;
- e) Pravo pripadnika romske nacionalnosti na bezuvjetnu dodjelu stipendija;
- f) Dodjela stimulativnih bodova:
 - 1) studentima s invaliditetom,
 - 2) posebno nadarenim studentima,
 - 3) na godinu studija,
 - 4) studentima slabijeg materijalnog stanja,
 - 5) studentima bez oba roditelja,
 - 6) studentima štíćenicima ustanove bez roditeljskog staranja,
 - 7) studentima čiji su roditelji/staratelji korisnici socijalne pomoći.

Član 3.

(Elementi politike smještaja studenata u studentske centre)

Utvrđuju se elementi politike smještaja studenata sa prebivalištem na području Zeničko-dobojskog kantona u studentske centre u Federaciji Bosne i Hercegovine za akademsku 2023/2024. godinu:

- a) Dodjela stimulativnih bodova:
 - 1) studentima s invaliditetom,
 - 2) studentima slabijeg materijalnog stanja;
 - 3) studentima bez oba roditelja,
 - 4) studentima štíćenicima ustanove bez roditeljskog staranja,
 - 5) studentima čiji su roditelji/staratelji korisnici socijalne pomoći.
- b) Pravo prvenstva pod jednakim uvjetima pri smještaju u studentski dom na području Zeničko-dobojskog kantona, u skladu sa članom 20. Zakona o dopunskim pravima branilaca i članova njihovih porodica Zeničko-dobojskog kantona;
- c) Pravo pripadnika romske nacionalnosti na bezuvjetan smještaj (odnosi se na redovne studente romske nacionalnosti koji se prijavljuju na konkurs za smještaj u studentskim domovima/centrima u Federaciji Bosne i Hercegovine s kojima je Vlada Zeničko-dobojskog kantona potpisala ugovor o subvencioniranju usluga smještaja i ishrane, i to na studente koji ne žive u mjestima gdje su smješteni fakulteti na koje su upisani, kao i na studente koji nemaju najnužnije stambene uvjete stanovanja).

Član 4.
(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Univerzitet u Zenici, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-34-4751/23

Datum, 24.03.2023. godine

Z e n i c a

DOSTAVLJENO:

1x Ministarstvo za obrazovanje, nauku, kulturu i sport,

1x JU Univerzitet u Zenici, Rektorat, Fakultetska 3,

putem Ministarstva,

1x „Službene novine Zeničko-dobojskog kantona“

1x a/a.